



Broj:
Sarajevo, 10.09.2012. godine

MEDIJIMA

Predmet : Saopštenje za javnost

Rezultati poslovanja lizing sektora u Federaciji BiH u prvom polugodištu 2012.godine

Prema pokazateljima poslovanja lizing društava u Federaciji BiH u prvoj polovini 2012. godine, zaključuje se da sektor lizinga u Federacije BiH doživljava blagi pad u odnosu na prethodnu godinu u segmentu novih plasmana. Kod pojedinih lizing društava su još uvijek prisutne poteškoće poslovanja koje proizilaze iz naplate postojećih potraživanja koja su nastala u prethodnim periodima što je uzrokovalo povećanje troškova rezervi za gubitke koji su direktno uticali na rezultat poslovanja lizing društava. Na dan 30.06.2012. godine u Federaciji BiH je registrovano ukupno 7 lizing društava koja obavljaju poslovne aktivnosti u 28 podružnica od kojih se 23 podružnice nalaze u Federaciji BiH i 5 u Republici Srpskoj.

Bilansna suma sektora lizinga na dan 30.06.2012. godine iznosila je 717.350 hiljada KM, što je za 6% ili 44.369 hiljada KM manje u odnosu na 31.12.2011. godine.

Ukupan gubitak sektora lizinga u prvom polugodištu 2012. godine je iznosio 7.587 hiljada KM. Tri lizing društva su iskazala negativan finansijski rezultat, dok su četiri lizing društva ostvarila dobit. Osnovni kapital lizing društava je iznosio 60.288 hiljada KM, dok ukupan kapital sektora na dan 30.06.2012. godine iznosi 45.517 hiljada KM.

Novi plasmani po finansijskom i operativnom lizingu u drugom kvartalu 2012. godine su iznosili 63.623 hiljada KM i odnose se na 1.811 aktiviranih ugovora. U odnosu na isti period prethodne poslovne godine navedeni iznos finansiranja je manji za 14.266 hiljada KM ili 18%, dok je broj novozaključenih ugovora manji za 111 ili 6%. U poređenju sa realizacijom iz prethodnog kvartala 2012. godine, ukupan iznos finansiranja u drugom kvartalu je veći za 23.075 hiljada KM ili 57%.

U narednom periodu lizing društva trebaju dodatno da se fokusiraju na kontrolu dospjelih potraživanja, povećanje broja novozaključenih ugovora, smanjenje troškova poslovanja i naplatu nekvalitetnih plasmana.

URED FBA ZA INFORMISANJE